

# Таом ҳозир бўлганда намозни кейинга суриш



13:00 / 20.12.2020 5221

إِذَا قَامَ لَسَوْوَهُ يَلْعَلُ لِيَصِيَّبَنَّ لَنَا نَع، أَوْ نَعُ لَلِ يَضْرَبُ شَيْءًا نَع  
مَدَّقَ إِذَا يَأْوُرِي فَو، بِأَشْغَلِ ابِ أَوْ ذَبَّافُ الْعَالِ صِلَاتِ مَيِّقُ أَوْ أَشْغَلِ عُنُ  
هُ أَوْ: مُكَيِّشَ عُنُ عِ أَوْلَجَّ عَتِ الْو، بِرُغْمِ الْعَالِ صَلَّ بَقْرَبِ أَوْ ذَبَّافُ أَشْغَلِ  
يَذْمُرُ لَلِ أَوْ نَأْخِي شَلِ

*Оиша розияллоҳу анҳодан ривоят қилинади:*

**«Набий соллаллоҳу алайҳи васаллам:**

**«Кечки таом қўйилса-ю, намозга иқомат айтилса, кечки таомдан бошланглар», дедилар».**

*Бошқа бир ривоятда:*

**«Кечки таом тақдим қилинса, Шом намозидан олдин ундан бошланглар. Кечки овқатингизда шошилманглар», дейилган.**

*Икки Шайх ва Термизий ривоят қилганлар.*

**Шарҳ:** Намоз билан таом бир вақтга тўғри келиб қолса-ю намознинг вақти бемалол бўлса, олдин таом тановул қилишдан бошланади. Чунки

инсондаги таомга бўлган эҳтиёж намозига путур етказиши мумкин. Намозда ҳам хаёлига таом келиб, намоз ўқигандек бўлмайди. Намозни зеҳн ва фикр холи бўлганда ўқиш керак.

Шунингдек, кишининг хаёлини олиб қочадиган таомга ўхшаш бошқа эҳтиёжлар бўлса, аввал уларни қондириб олиб, кейин хотиржам равишда, кўнгилни бир жойга қўйиб, намоз ўқишни бошлаш лозим.

مَأْكُلًا رُضًا حَبَّ الْعَالَمِ؛ لَأَقْرَبَ مَنْ سَوَّاهُ لَعَلَّ لَيْسَ يَبْنِي لَنَا نَفْسًا نَأْكُلُهَا وَنُؤْمِنُ بِهَا

*Яна ўша кишидан ривоят қилинади:*

**«Набий соллаллоҳу алайҳи васаллам:**

**«Таом ҳозир бўлганда намоз йўқ. Уни икки (томондаги) чиқинди қистаб турганда ҳам», дедилар».**

*Ушбу ҳадисдан олинандиган фойдалар:*

1. Таом ҳозир бўлганда намозни кейинга суриш. Албатта, намознинг вақти чиқиб кетгунча таом еб ўтирилмайди.
2. «Заҳар танг» қилиб турган одам ҳам намоз ўқимасин.
3. Қазои ҳожати қистаб турган одам ҳам намозини кейин ўқисин.
4. Қорни дам бўлиб, ел қистаб турган одам ҳам намоз ўқимасин. Бундай ҳолларда бўшаниб олиб, янги таҳорат қилиб, кейин хотиржам намоз ўқилади.

**«Ҳадис ва ҳаёт» китобидан**